

**Talamdan sa
Mga Mensahe alang sa Full-time Training
sa Spring Term sa 2025**

**LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
EFESO**

Mensahe 7

**Pinaagi sa Iglesia
Ikapahibalo ang Nagkadaiyang Kaalam sa Dios
ngadto sa Mga Magbubuot ug Mga Pagbulot-an diha sa Kalangitan**

Basahong Kasulatan: Efe. 3:8-11

- I. Ang kinalawmang mga versiculo sa tibuok Biblia mao ang Efeso 3:8-11.**
- II. Naghisgot ang capitulo 1 sa Efeso sa gahom sa Dios (vv. 19-20), ang capitulo 2, sa grasya sa Dios (vv. 5-8), ug ang capitulo 3, sa kaalam sa Dios (v. 10).**
- III. Aron makaapil sa pagpahiuli sa iglesia, kinahanglan makakita ta sa walay kataposang tuyo sa Dios kalabot sa iglesia—1:9, 11; 3:9-11; Rom. 8:28:**
 - A. Ang tuyo mao ang hugot nga tinguha nga mobuhat og butang o makabaton og butang:
 1. Nahimong tuyo sa Dios ang hugot nga pagbuot Niya—Efe. 1:5.
 2. Ang tuyo sa Dios mao ang Iyang hugot nga tinguha nga makabaton sa iglesia—vv. 9, 11.
 - B. Ang walay kataposang tuyo (sa linetra, “ang tuyo sa kapanahonan”) gihimo sa Dios sa nilabayng eternidad alang sa umalabot nga eternidad—3:11:
 1. Ang tuyo sa kapanahonan mao ang tuyo sa eternidad, ang walay kataposang tuyo.
 2. Sa nilabayng eternidad, sa wala pa matukod ang kalibotan, sa wala pa gilalang ang mga langit, ang yuta, ug ang tanang butang, dunay tuyo ang Dios nga alang sa umalabot, sa moabot nga eternidad; busa, ginganlan kinig tuyo sa eternidad, ang walay kataposang tuyo—1:4-5, 9, 11; 3:11.
 - C. Ang pulong *tuyo* sa Efeso 3:11 pareho ra sa pulong *plano*; makahisgot tingali ta sa walay kataposang plano nga giplano sa Dios diha ni Cristo:
 1. Dunay plano ang Dios, nga giplano Niya sa eternidad; ang walay kataposang tuyo sa Dios mao ang walay kataposang plano Niya.
 2. Nagpasabot ang *Iyang tuyo* sa Roma 8:28 sa hugtanon gyong pagbuot sa plano sa Dios.
 3. Plano sa Dios nga makabaton og hiniusang pagpadayag Niya diha ni Cristo nga Anak pinaagi sa Espiritu agi sa Lawas nga hinimo ug tinukod sa daghang gipanganak pag-usab ug gitranspormang mga tawo sa pagsagol Niya sa Iyang Kaugalingon sa tawo—Efe. 1:22-23; 4:16.
 - D. Gipadayag sa Efeso 3:10-11 nga naanaa ang iglesia sumala sa walay kataposang tuyo nga gihimo Niya diha ni Cristo Jesus nga atong Ginoo:
 1. Giplano sa Dios ang iglesia sa eternidad, sa wala pa magsugod ang panahon—1:4-5, 9, 11, 22-23.
 2. Sa nilabayng eternidad ug sa moabot nga eternidad, plano ug tuyo sa Dios nga mabatonan ang iglesia diha ni Cristo ug alang ni Cristo—3:10-11:

- a. Dili temporaryong butang ang iglesia kondili walay kataposang butang kini diha sa walay kataposang tuyo sa Dios; ang iglesia maoy sentro ug gihisgotan sa walay kataposang plano sa Dios.
- b. Giplano sa Dios sa nilabayng eternidad nga mabatonan ang iglesia, ug naglaom Siya nga mabatonan Niya ang iglesia sa moabot nga eternidad.
- c. Naa ning panahona ug sa tibuok kapanahonan ang iglesia, apan sukad kini sa nilabayng eternidad ug alang sa umalabot nga eternidad—Mat. 16:18; 18:17; Bug. 21:2, 9-11.
- E. Giplano sa Dios nga mabatonan ang iglesia nga hinimo sa gipanganak pag-usab ug gitranspormang mga tawo nga nagtambayayongay ug gitukod pag-usa nga hiniusang Lawas—Efe. 1:22-23; 2:21-22; 3:14-21.
- F. Minahal, hiligugmaon, ug bililhon sa Dios ang iglesia kay gikahimut-an man kini Niya, ang gitinguha sa Iyang kasingkasing—1:5, 9, 22-23.

IV. “Maghayag [gyod ta] sa tanan aron makakita sila sa pamatigayon sa misteryo, nga sa tanang kapanahonan natago diha sa Dios nga naglalang sa tanang butang”—3:9:

- A. Gisultian ta sa Bag-ong Tugon nga misteryong naa sa Dios ang iglesia; sa tanang kaliwatan sa wala pa ang panahon sa Bag-ong Tugon, misteryo ang iglesia—Efe. 3:3-6, 9; 5:32.
- B. Sa Biblia nagpasabot ang misteryo dili lang sa mga butang nga natago ug wala masayri nato kondili sa mga butang sab nga natago sa kasingkasing sa Dios; kini ang prinsipyo kalabot sa mga misteryo nga gihisgotan sa Biblia—Mar. 4:11; Rom. 16:25-26; Col. 1:26-27; 2:2; 4:3; Efe. 1:9; 3:3-4, 9; 5:32; 6:19.
- C. Ang misteryo sa Dios mao ang natago nga tuyo Niya, nga ipaambit ang Iyang Kaugalingon sa pinili Niyang katawhan; busa, dunay pamatigayon sa misteryo sa Dios—3:9.

V. Pinaagi sa iglesia ikapahibalo ang nagkadaiyang kaalam sa Dios ngadto sa mga magbubuot ug mga pagbulot-an—v. 10:

- A. Ang mga magbubuot ug mga pagbulot-an mao ang mga magbubuot ug mga pagbulot-an sa mga manulonda, maayo ug daotan.
- B. Labi gyong gipasabot sa Efeso 3:10 ang mga daotan—si Satanang ug ang iyang mga manulonda:
 - 1. Dunay iyahang gingharian, mga manulonda, ug dapit nga kaharian si Satanang—Mat. 12:26; 25:41; Efe. 6:12:
 - a. Ang dapit nga giharian ni Satanang naa sa kahanginan ug sa yuta—2:2; 1 Juan 5:19.
 - b. Gipakita sa basahon ni Daniel nga giharian ni Satanang diha sa kahanginan ang tanang nasod sa yuta—10:13.
 - 2. Pinaagi sa iglesia ipahibalo sa Dios ang Iyang kaalam dili labi gyod sa mga tawo kondili sa masupilong mga manulonda nga mga magsusunod sa kaaway sa Dios—Bug. 12:7.
- C. Bisan ang pagsupil ni Satanang gitugotan man sa kaalam sa Dios—Isa. 14:12-14:
 - 1. Kon dili pa tungod sa pagsupil ni Satanang, dili unta hingpit nga ikapahibalo ang kaalam sa Dios.
 - 2. Nakamugna si Satanang og daghang higayon nga mapadayag ang kaalam sa Dios sa nagkadaiyang paagi, sa ato pa, sa nagkalainlaing paagi ug mga aspeto ug sa daghang anggulo—Efe. 3:10.
 - 3. Sa kapulihay, mapasakop na si Satanang, nga kaaway sa Dios, ug makaila sa nagkadaiyang kaalam sa Dios—v. 10.
- D. Kon moambit ug mopahimulos sa kadato ni Cristo ang pinili ug tinubos nga katawhan sa Dios, umolon sila ning kadatoa nga iglesia, nga pinaagi niini ikapahibalo ang nagkadaiyang kaalam sa Dios ngadto sa mga magbubuot ug mga pagbulot-an sa mga manulonda sa kalangitan—vv. 8-10:
 - 1. Moabot ang adlaw nga, pinaagi sa iglesia, maulawan si Satanang ug ang mga manulonda niya.

2. Makaamgo sila nga tanang gibuhay nila naghatag sa Dios og higayon nga makapadayag sa Iyang kaalam.